

Minister Mike de Meza encuanto refinaria

Tur Partner ta den bon spirito

ORANJESTAD(AAN): Parlamento tin masha interes pa e desaroyo pa loke ta un posibel reapertura di e refinaria cu Citgo. Minister di Energia, Mike de Meza a splica cu tur e fraccionnan tabata tey y e tin cu bisa cu e fraccion total di AVP tabata presente durante un reunion den Parlamento.

Partido PDR y MEP tabata tey presente, mirando cu e topico tabata uno importante. Tabata tin diferente pregunta y esaki a contesta hunto cu conseheronan cu ta parti di e delegacion di negociacion. Hendenan conoci den comunidad petrolero, kende ta sr. Alvin Koolman, Philip de Souza, abogado Henk Sjiem Fat, kende ta consehero huridico di pais Aruba. Tabata tin director di gabinete sr. Richard Arends, kende ta forma parti di e delegacion aki y tabata tin e otro expertonan.

Tur pregunta a worde contesta den parlamento. Esnan presente den su totalidad tabata contento cu e presentacion duna. Ta den e ultimo simannan di Maart y ta trahando duro pa bin cla pa bin di Maart. E trabao ta basta compleho, pero ta hopi tambe, den cantidad. Ta contento cu e informacion cu por a intercambia cu e



miembronan di Parlamento. Tur ley mester bin Parlamento pa haya aprobacion di Parlamento prome cu esaki por bay den efecto. Lo bin back parlamento mas cu un biaha sigur, segun e Minister. Prome cu fin di Maart sigur pa duna informacion y una bes cu yega un acuerdo cu Valero/Citgo y entre nan tambe y Gobierno cu nan, mester bin cu e conceptionan di cambianan di ley cu tur e pakete, mester bin Parlamento pa haya aprobacion di parlamento. Por yega na acuerdo cu nan,

lo ta bao di e presuncion cu parlamento lo duna aprobacion y ta solamente na momento cu parlamento aproba nan, e decisionnan ey por bay den e efecto, lo bira realidad. Pero esey ta e parti di parlamento. Valero cu Gobierno ta den bon conversacion, mescos cu Citgo y Gobierno mes. Ta bay tin hopi papiamento y negociacion entre Valero y Citgo tambe, hunto cu gobierno. Tur esakinan ta canando. Tur partner ta den bon spirito, pa discuti y yega na un conclusion positivo. E ta bayendo su direccion positivo y ta spera cu tur cos sigui asina tambe, e minister a conclui.